



PAMFLET

1007











**Ende Conditien van den**  
**Paps ende eewighe aliantie besloten tus-**  
**schen den seer hooghen ende Machtigen Prin-**  
**cen / Philips byder gratien Godts Catholijcke Coninck**  
**van Spangien / etc. Ende Henrick de vierde van**  
**dier namen door de selve gratie Alder Chri-**  
**stelickste Coninck van Franchrijk /**  
**in't Jaer 1598.**

Hier zijn mede by gheboecht d'Articulen vanden paps besloten  
 op't Casteel van Cambresij Anno 1578. tusschen den Catholicken  
 Coninck van Spangien / ende wijsen Henrick de tweede alder Chri-  
 stelickste Coninck van Franchrijk.

*Vs het François in't Nederduys overgeset.*



Na de copie gheprint te Parijs, Anno 1598.

*Met Privilegie.*

Naghedruct tot Delft, by Bruyn Harmanſz Schinckel.

M. D. XCVIII.

1007

41



In den naem Gods des Scheppers.

**A**llen teghenwoordigen ende nacomenden sy kenne-  
lijcken / dat alsoo het Coninckrijck van Brancryck ende de Ne-  
derlantse Provincien / gheleden hebben seer groote verlies / be-  
derff ende verwoestinghe ter saecke vande binnen ende buyten-  
lantse oorlogen die sedert langhe Jaren gecontinueert hebben /  
d'welck oock grootelijc wel gheboelt ende onwaer gheworden  
sijn de Coninckrijcken van Spaengnien / Enghelant ende t' Lant van Savop-  
en / gheduerende welcken tijt den ghemeenen Opant vanden Christenen naem /  
houdende onse qualickbaert vooz sijne ghelagentheyt / pooghende omme ons te  
boben te gaen deur onsen twiste ende oneenicheyt / vercreghen heeft seer groote  
ende periculoose voortgang ende conrechte besittinghe vander Christenen Pro-  
vincien / T welcke oberghermerckt by onsen Heplighen Vader Clement den  
vij. van dier name ende begheerende daer inne behooslijcken te voorszien ende  
het quaet tot de wortel aff te snijden / heeft deur sijn bode woonende tot Madzil  
ende andere ghedaen verscheyden remonstrantien ende vermaninghen aen-  
den seer hoogen / seer machtighen ende seer Excellenten Prince Philips de ij. by  
der gratie Gods Catolijcke Coninck van Castilien / van Arragon / van Leon /  
van beyde de Cecilien / van Jerusalem / van Poortegael / van Grenade / etc. Om  
hem t' onderrechten ende te brengen tot eene goede vrentliche peps ende acrooyt  
metten seer hooghen / seer machighen ende seer Excellenten Prince Hendricus  
de iij. byder selver gratien Gods d' alder Christelijcksten Coninck van Branc-  
ryck ende van Nabarre / aenden welcken sijne Heplicheyt hadde ghesonden den  
beveluchtighen ende eerweerdighen Cardinael van Flozencen Alexander de  
Medicis synen / ende des Heplighen Apostolijcksen stoels Legaet / om door hem  
ghedaen te werden gelijcke remonstrantien en vermaningen aenden voornoem-  
den alder Christelijcksten Coninck. Ende naer dat onsen voorszreven Hepli-  
ghen Vader gheadverteert is geweest dat den voorszreven Catholijcken Co-  
ninck hadde macht ghegheben in t' stuck vande peps / den hooghen ende seer  
machtighen Prince Albert Cardinael / Eerts hertoghe van Oostenrijck synen  
Neve om t' goede vertrouwen dat hy in hem heeft ende de goede affectie dien hy  
altijts in hem ghekent heeft tot de geneghentheyt vanden vrede / hadde gheson-  
den aen hem den eerweerdighen Vader J. Bonaventure Calatagirono Gene-  
rael vander orde van S. Franciscus / om hem te doen verstaen hier van sijne  
begheerte ende dat hy soude hebben wetenschappe vande meeninghe vanden  
voornoemden Catholijcken Coninck aengaende de voorszreven peps / hebben  
de allen t' gunt voorszreven is ghepresenteert byden voorszreven Generael  
aenden voorszreven alder Christelijcksten Coninck / volghende den last dien hy  
van zijnder Heplicheyt hadde / De welcke Heeren Coninghen ghedreven sijnde  
deur een yder des Godvuytlicheyts / medelijdenheyt ende wterste leedtwesen  
dien splupden hebben ende ghevoelen in heur herten / der langher ende swarer  
verduykinghen die ter saecke vande voornoemde oorlogen henlieden Coninc-  
rijcken / Landen ende onderdanen gheleden ende noch tegenwoordelick lijden  
sijn / Niet willende achterlaten een saecke sijnde inde macht vanden ghoeden  
Princen die Godt vreesen ende henlupden onderdanen beminnen. Omme we-  
der te



der te stellen een goede ende verseeckerde ruste int gantsche Christenryck/ ende  
in sonderheyt inden provincien daer God beliest heeft henlupden ober te stellen  
om sozghen voorsz te braghen / ende stellende als henlupden de buoir mede brenge  
in goede ende groote consideratien de seer wijsen ende vaderliche vermaningen  
van onsen voorszcheven Heplighen Vader/ ende mette selve ober een comende  
hadden vermaent heur bzienden ende vereenichde te willen verstaen met heur-  
lupde / ende te willen resolveren tot een goede vrede/ Vrie ende eendracht ter ee-  
ren Gods/ tot Loff ende prijs van synen Heplighen naem/ verseeckerheyt ende  
ruste van alle de Christeliche Provincien/ verquickinge ende ruste van heur-  
lupden volck ende onderdanen. Ende om te gheraecken tot tracteringhe des  
voorszcheven peys ende vrede te beslupen ende arresteeren / hebben gecomit-  
teert ende ghedeputeert gheweest / Te weten / byden voorszcheven Cardinael  
Certschertoghe inden naem vanden voornoemden Catholijcken Coninck ende  
wt cracht vande expresse macht dien hy heeft van sijne Majesteit/ mijn Heeren  
Johan Richardot Ridder/ Voost president vanden secreten Raede vanden voorz-  
scheven Coninck ende van synen Raede van state / Mijn Heere Jean Baptiste  
de Taxis Ridder Commandeur de les santes vander rijcks- ordie van S. Ja-  
cob vande voorszcheven Raedt van state ende vanden Raedt vander oorloghe/  
En mijn Heere Louys Vereycken ooc Ridder andientier en eerste Secretaris  
ende Tresozier vande chartres vande voornoemde Raet van state. Ende van  
weghen den voorszcheven alder Christelichsten Coninck / Mijn Heeren Pom-  
ponius de Bellieyre Ridder/ Heere van Grigon Raedt van synen rade van sta-  
te/ ende mijn Heere Nicolaes Bzulari Ridder Heere van Silenij oock Raet van  
den voornoemden Coninck in synen Raedt van state ende President int Hoff  
van Parlement/ alle versien met suffisante macht die welcke hier naer gheinse-  
reert sal werden int eynde van desen teghenwoordighen/ De welcke wt crachte  
van heur voorszcheven macht in preuue vande voorszcheven Heere Cardinael  
die lange tijt ende bromelijcken gearbeijt heeft tot vorderinghe van dese goede  
peys ende vereeninghe / hebben ghemaecht/ besloten/ ende gheaccordeert de ar-  
ticulen hier naer volghende.

A J

Cerflijcken





Erstelijcken es overcomen en gheaccepteert / dat het Tractaet van den Paps sal blijven ghesolbeert ende besloten tusschen de Heeren Coninghen Philippus den tweeden ende Henric den vierden / conform ende in approbatie vande artt. rulen begripen int Tractaet vanden Paps / ghemaeckt opt Casteel van Cambyses int Jaer 1559. tusschen den voorsz. Catholijcken Coninck ende seer hooch Loijcker Almonzie Henrick de tweede Coninck van Franckrijck / alle welke Tractaet de voorsz. Ghedeputeerden van nieuws hebben gheconfirmeert ende geapprobeert in alle sijne pointen / in sulcker voege of hier in geinsereert ware / van woorde te woorde / ende sonder pet int selve te vernieuwen / noch in andere voorgegaende / die alle blijven sullen in heur gheheel / anders dan t'ghunt expresselijck te niet ghedaen sal worden by dit teghenwoordighe Tractaet.

III.

Ende dien volghende dat van nu voortaan ende van date deses tegenwoordige Tractaets tusschen de selve Heeren Coningen / heuren kinderen / present ende toekomende / heur Erfsnamen ende naecomelingen / heur Coninckrijcken / landen ende ondersaten wesen sal een goede / sekere / vaste ende onverbrekelycke Paps / confederatie / eeuwighe verbondt ende vrientenschap. Sullen oock mede malcan / deren lief hebben als Broeders / befolgende ende soeckende met alle de boir d'een des anders welbaren / eere ende reputatie / ende sullen geerouwelijcken schouwende (voorz so veel hen moghelijcken is) d'een des anders schade / niet onderhoudende / noch sabotiserende eenighe personen / hoedanich die souden mogen wesen / geneghen zijnde tot d'een oft d'anders schade. Ende sullen van nu voortaan ophouden alle byantschappen / stellende in vergetensheyt alle saken voer date deses qualicken gehandelt / hoedanich die souden moghen wesen / die sullen blijven vergheten ende te niete ghedaen / sonder dat sy in eenighe tijden daer van weder eenighe ondersoekinghe ofte ophalinghe doen sullen. Achter weghe latende by dit teghenwoordighe Tractaet alle practijcken / verbonden / intelligentien ofte verstanden / die in eenigher manieren souden moghen wesen tot na deel van d'een oft van d'ander / mit belofte van niet te doen / noch verbolghen / oft verfoecken doer pement ghedaen te worden / pet dat soude strecken ofte comen tot schade van d'een oft d'andere / noch oock te lijden dat heur vassalen ende ondersaten selve directelic ofte indirectelic doen sullen. En so eenige vande selve van wat qualiteyt ofte conditie de selve soude moghen wesen / daer teghens quam te doen na date van desen / om pemanden te gaen dienen / t'zy ter zee of te lande / ofte andersins te helpen / ofte assisteren in saken die souden moghen schadelijck zijn aen een vande voorsz. Heeren Coninghen / sal de ander ghehouden zijn daer teghen te opposeren ende selve beletten / de selve straffende woedelijcken als infracteurs van desen Tractate / ende verstoorders vande ghemeene ruste.

III.

Ende voer de middel van dese Paps ende vaste vrientenschap sullen de ondersaten van beiden zijden / hoedanich die mogen wesen / mits onderhoudende die Wetten ende Costumen vande Landen / moghen gaen / comen / blijven / woonen / ronverseren ende wederkeeren in d'een ende des anders Landen / Coop / handel / vrybende / ende als haer best goet dunck sal so te water als te lande / ende op de verfsche.



versche wateren/mietten anderen hādelen ende frequēterē. Ende sullen de selve  
ondersatē gebefendeert en voozgestaen wozde/mits rebelijtēen betāende de ge-  
rechticheyden in alle plaetsen gkwonlijck/ende andere die by heure Majestey-  
ten ende heure nacomelinghen sullen wesen ingheselt.

III.

Ende alle Brieven van verpandinghe die souden moghen gegeven zyn/wat  
wat sake dat het zy/sullen wesen gesuspendeert / ende en sullen van nu voortan  
ghene gegeven wozden by een vande voozsz Princen in preiuditie ofte nadeel vā  
des anders ondersaten / anders dan teghen de principale delinquanten / heure  
goederen ende van heure mede complicen / ende dat noch alleenliken ingevalle  
van openbare ontkenninghe van Justitie / vande welke ende vande Brieven  
van sommatie ende requisitie van dien / die ghene die de selve Brieven van ver-  
pandinghe sullen verbolghen/sullen moeten doen bijgucken inde sojme ende ma-  
niere/als in rechten versocht wozt.

IV.

De Steden/ Ondersaten/ Burghers ende Inwoonders des Graeffschaps  
van Vlaenderen/ Artops ende andere Provintien vande Nederlanden/ mitsga-  
ders vanden Coninckrijcke van Spangien/sullen mede genieten de Privilegien  
ende vryheiden / die henlieben gheacordeert ende vergunt zyn by den Conin-  
ghen van Franckrijck/ Voozsaten vanden voozsz Heere Alderchristelijckste Co-  
ninck. Ende van ghelijcken de Steden/Burghers/inwoonders ende ondersa-  
ten van't Coninckrijck van Franckrijck sullen van ghelijcken ghenieten de Pri-  
vilegien ende vryheiden die splupde hebben int voozsz Nederlandt en Coninckrij-  
cke van Spaengnien/in alsulcker voeghen als een pegelijck van henlupden hier  
te bozen hebben ghebruyckt ende ghenoten/ ghelijck als splupden genoten ende  
ghebruycten wten crachte van't voozsz Tractaet vanden Jaer 1559. ende an-  
der voozgaende Tractaten.

V.

Oock es overromen ende geacordeert so den voozsz Heere Catholijcken Co-  
ninck geeft ofte overdraecht by Testament ofte gifte/Resignatie oft andersins  
by wat titel het ware/aende hoochgebozene Vrouwe Isabelle des Heeren Co-  
ninck van Spaengniens outste Dochter ofte andere/alle sijne Provintien van  
de Nederlanden met de Graeffschappen van Bourgoignien en van Charlops/  
dat alle de voozsz Provintien ende Graeffschappen verstaen te zyn begrepen  
in dit teghenwoordighe Tractaet / ghelijck de selve waren int selve Jaer van  
1559. Mitsgaders de voozsz Vrouwe Isabelle outste Dochter van den Heere  
Coninck van Spaengnien of de ghene in faveur vande welcken den Heere Ca-  
tholijcken Coninck sal hebben ghevisponeert / sonder dat tot desen eynde van  
noode is te maken andere nieuwe Tractaet.

VI.

Ende sullen wederom moghen comen d' ondersaten ende dienaers van d' een  
ende d' andere zijde so wel gheestelike als waerliche / niet teghenstaende dat sy  
ghedient hebben de wederpartij / in hunlupder Beneficien ende Officien daer  
mede sy voozsien waren voozden wtgāgh van December int Jaer 1588. ten  
ware de Pastozien diemen bevonde canonelijcken voozsien / mitsgaders dat  
alle ende elcx besonder heure onroerende goederen/ewighe Rentē/Lifrenten  
ende Losrenten die sy ter sake vander oorloghe begonnen int eynde van't voozsz  
Jaer



Jaer 1588. niet en hebben geheuen/ wederom sullen ghebruycken ende ghenie-  
ten/nade publicatie van desen vrede/ ende van gelijcken de selfde die sedert ver-  
schenen ende aengheromen zijn by successie / ofte andersins sonder eenighe con-  
tradictie oft teghen segghen/sonder nochtans te moghen eyschen vande ghene  
die de voorsz onroerende goederen gheuenbaert hebben/ de profijten oft ghenut  
daer van ghecomen/ totten dach der publicatie van't voorsz Tractaet/noch de  
schulden die vervallen zijn voorsz den voorsz dach / ende sal ghehouden werden  
voorz goet ende van waerden de repartitie die daer af gedaen is ofte gedaen sal  
worden by den Prince/sijn Luytenant/ oft Verommiteerden onder sijne Ju-  
risdictie/vande welken t'voorsz Arrest gemaect zijn sal. Ende en sullen tot ge-  
nighen tijden de Crediteurs vande selve schulden/ oft pement henlupden Actie  
hebbende/ ontfanghen werden om de voorsz schulden te vervolghen in eeniger  
manieren/ ende voorsz wat Actie dat het zy tegē de gene vande welke de voorsz  
ghifte gegeven zijn/ noch tegens den ghenen die uyt crachte van alsulcke ghifte  
ende confiscatie die hebben betaelt om wat saken de voorsz schulden zijn mogē.  
Niet teghenstaende eenighe letteren van verbande / die de voorsz Crediteurs  
moghen hebben/de welke deur den effecte vande voorsz Confiscatien zijn/ende  
blijuen sullen by dit tractaet geraffert/geannuleert/ ende sonder eenighe cracht.

### III.

Ende de wedercoemste vande voorsz ondersaten ende dienaers van d'een effe  
d'ander zijde gedaen zijnde/mogen aenbaerden hare goeden/ roerende ende on-  
roerende/ende Renten/als boven. Niet teghenstaende alle giften/toelatinghen/  
verclaringhe van confiscatien ghedaen/ ende sententien gegeven deur continu-  
atie ende in absentie vande partije ongehoort ter sake vande voorsz Oorloghe/  
alle welke sententien ende ghewijsde/so wel in ciuyl als crimineel/ blijven sul-  
len crachteloos ende van gheender waerden/ ghelijck oft die niet gheschiet en  
waren/ stellende de voorsz ondersaten desen aengaende wederomme in haer ge-  
heel/ cesserende alle beletselen ende teghensegghen vande gherechticheyden / die  
sp luyden hadden ten tijden vande openinghe van de Oorloghe/ sonder dat pe-  
mant sal moghen achterhaelt werden van eenighe laste ende publycque onders-  
winninghe/die hy ghehadt heeft/t'z vande voorsz Victalie of probande/han-  
delinghe van penninghen/oft andersins / geduyende den tijt ende ter sake van  
de voorsz Oorloghe/ daer van sp luyden hare rekeninghe gedaen ende gepasseert  
hebben voorsz de ghenen die aldoen daer van last ende bevel hadden te dispone-  
ren. Mits dat de voorsz ondersaten ende dienaers niet bebonden werden van  
andere crimen ende delicten van de wederpartije ghedient te hebben. Ende en  
moghen niet te min wederom incomen inde voorsz Landen/ plaetsen/oft heer-  
lijcheyden der voorsz Coninghen / sonder eerst ende al voren gheobtimeert ende  
verreghen te hebben opene brieuen gesegelt met t'groote seghel van henlupden  
Majestepten/de welke sp luyden gehouden sullen zijn te doen blijcken voorsz den  
Houe ende Officiers van henlupder Majestepten.

### II.

De ghenen die voorszien hebben gheweest van eenighe Beneficien staende ter  
ghifte ende Dispositie vande voorszcheben Deeren Coninghen ofte andere we-  
relijck personen sullen blijven in hare professie ende ghebruyck vande voorsz-  
cheben beneficien als wel ende behoortlick voorszien.

In fae



¶

In faueur ende aensieninghe vande voorszreven peys ende om by de voorszreven Heeren Coningen d'een den anderen contentement te geven. Is overcomen ende gheacordeert dat spluden weder om gheven ende restitueren sullen d'een den anderen metter daet ende op goet gheloobe t'gunt bevonden sal werden ghenomen/geanbaert ende beseten te sijn by henlupden ofte andere van henlupden last hebbende/ ofte in heurlupden nimen/ inde Landen van deen ofte d'andere/ Te weten/ den voorszreven Heere alder Christelijcken Coninck aen Graefschappe van Charloys met sijnen aenleven ende toebehooren/ om volcomelicken te ghebypcken by hem ende sijne successours rustelijck ende vzedelick/ ende wederomme te houden onder de souverainiteit vanden Coninghen van Brancrjck/ Ende indien hy beviint andere plaetsen die geoccupeert werden sedert de voorszreven peys vanden Jare 59. byden voorszreven Heere alder Christelijcken Coninck ofte den sijnen/ sullen van ghelijcken wederomme gherestitueert werden binnen den tijt van twee maenden/ te reekenen vanden dach ende datum van desen tghenwoordighen.

¶

Ende van ghelijcken sal den Heere Catholijcken Coninck wederomme restitueren aenden voorszreven Heere alder Christelijcken Coninck/ de plaetsen die bevonden sullen werden by hem ofte andere last van hem hebbende/ ofte in sijnen naem ghenomen/ geanbaert ofte beseten/ sedert den voorszreven tractaet van Cambresis/ Te weten/ Calis/ Ardes/ Monthuillin/ Dourlens/ la Chapelle/ le Chastelet in Picardie/ Blauet in Bruttangien ende alle andere plaetsen die den voorszreven Heere Catholijcken Coninck heeft gheanbaert int Coninckrjck van Brancrjck/ sedert t'voorszreven Tractaet die by hem ofte den sijnen sijn onthouden.

¶

Ende in aensieninghe van Calis/ Ardes/ Monthuillin/ Dourlens/ la Chapelle ende Chastelet sullen de plaetsen wederomme ghegeven ende gherestitueert werden byden voorszreven Heere Catholijcken Coninck ofte sijnen Dienaers volcomelick ter goeder trouwen ende sonder eenighe wtstel ofte swaricheyt onder wat pretext ofte saecke dat het soude moghen sijn/ aen hem ofte den ghedeputeerden vanden voorszreven Heere alder Christelijcken Coninck binnen twee maenden pzeijs te rekenen vanden dach en datum van desen tegenwoordighen in alsulcken staet alsinen die teghenwoordelijcken beviint sonder pet affte breecken off te beschadighen in eenigher manieren ende sonder te moghen epischen ofte pretenderen eenighe remboursment ofte vergheldinghe van eenighe justificatien die ter voorszreven plaetsen sijn ghemaecht/ nochte oock van ghelijcken te mogen epischen eenighe betalinghe die den Soldaten ofte crjchsvolcken laer op sijnde souden moghen ten achteren sijn/ Ende sal sijn vande voorszreven restitutie der steden eerstelick van Calis/ Ardes/ ende de andere daer naer voughen dat de voorszreven restitutie vande voorszreven plaetsen volcomelick gheschieden sal binnen den tijt van twee maenden.

¶

Wengaende de restitutie van Blauet sal ooc volcomelijcken ter goeder trouwen ende sonder eenighe wtstel ofte swaricheyt onder wat pretext ofte oorsake het sijn/



het sy/gheschieden aenben ghenen die daer toe gherommiteert sullen sijn by den  
voorszreben Heere alder Christelijcken Coninck/ende dit binnen drie maen-  
den na de dach ende datum van desen tegenwoordigen/ En mach de voorszre-  
be Heere Catholijcken Coninc doen afbrecken de fortificatien/by hem ofte daer  
sijnen doen maecken aen t'voorszreben Blaut en andere plaetsen die by hem  
gherestitueert sullen werden in Brittaingien/indien daer eenighe sijn.

¶ IIII.

Ende ghebaen hebbende de restitutie vande voorsz plaetsen/mach den Heere  
Catholijcken Coninck wech doen voeren alle t' Geschut/Busklooten/Wibzes  
ende alle andere munitie van Oorloghe die ter voorsz plaetsen bevonden sullen  
worden ten tijde vander restitutie. Moghen oock de Soldaten ende Crijch-  
volck ende andere upt de voorsz plaetsen vertreckende / doen wech voeren alle  
henmenblen / henlupden toebehoozende / sonder dat henlupden gheoorloft is  
pet te epfchen vande Inwoonders der selver plaetsen ende van t'platte Lant/  
noch te beschadigen heur hupsen/oft pet te benemen den voorszrebe Inwoon-  
ders toecomende.

¶ V.

Ende ten eynde dat het Crijch-volck op t'voorsz Blaut zjnde/ bequame-  
lijcxst moghen vertrecken na Spaengien/ so sal den voorsz Heere Alderchrijste-  
lijcxsten Coninc haer doen accommoderen bā Schepen en Schippers/in wel-  
ke Schepen sy sullen moghen laden t' Geschut / Wibzes ende andere ammu-  
nitie van Oorloghe/ met henlupden bagagie / t'welck sy op t'voorsz Blaut en  
andere plaetsen die gherestitueert sullen sijn in Brittaingien/zijn hebbende.  
Mits doende verskertheit vande restitutie vande voorsz schepen ende renbo-  
vande voorsz Schippers binnen den tijt daer toe gheoorbonneert.

¶ VI.

Belobende daer en boven de voorsz Ghe deputeerden tot verskertheit van  
de restitutie vande voorsz plaetsen/soo haest dit teghenwoordighe Tractaet by  
heurlieder Heere Alderchrijstelijcxsten Coninck sal zijn geapprobeert/te leveren  
vier Hostagiers de ghene die henlupden believen sal te verkiezen / ondersaten  
van den voorsz Catholijcken Coninck / de welcke wel eerlijck getracteert sul-  
len worden/ sulcx behoort na haren staet ende qualiteit. Alle welcke restituti-  
volcomelijck ende behoorlijck ghedaen zijnde/de voorsz Hostagiers by weder-  
om ghelevert sullen werden/ter goeder trouwen ende sonder eenich wistel of  
dilap. Wel verstaede dat na de volcomē restitutie der ses plaetsen in Picardie  
twee vande voorsz Hostagiers sullen werden ontslaghen/en blijvende de ande-  
twee tot ter tijt toe t'voorsz Blaut sal zijn gherestitueert.

¶ VII.

Ende alsoo de saecken inden tractate vanden Jare 1559. begrepen/niet geer-  
euteert en sijn volghende d'articulen van t' selsde/ soo sal d'executie gedaen end  
volcndt worden van t' ghene datter aen onthzeert/ soo wel om den inhonde  
van t' gene totten Lene behoort vanden Graue van S. Paul/de Lemiten vande  
Landen der twee Princen / de Landen die ghehouden sijn in surceantie/ by  
doen van tollen ende vzeemde schattinghen gepzetendeert by die vande Grae  
schappe van Bourgongne Bisschop Terouenne/ d'Abbe van S. Jan aende  
berghe van t' Hertochdom van Bouillon/ Restitutie van eenighe gepzetendeert  
de plaetsen van d'een ende d'anders wegghen/ende andere die behooren gherest-  
guel



tueert te zijn uyt crachte van t'voorsz Tractaet ende alle andere guesstien ende gheschillen/die alsnoch niet en zijn beflucht ende geepndicht/ sulcx alsdoen was overcomen te buyten ende te eyndighen. Zijn tot dien eynde genomineert ende ghedeputeert Arbiters van d'een ende d'ander zijde / volghende de resolutie van t'voorsz Tractaet/de welcke vergaderen sullen binnen ses maēden ter betepckender plaetsen/om t'gunt voorsz is te doen/indien parren daer in accordeeren/ende indien niet/sullen een ander plaetse moghen verkiezen.

¶ V V V.

Ende also inde schepdinge vande Landen gheordineert aen t' Bisdum van Utrecht / van Amiens / S. Omer ende Boloingne bevonden werden Dorpen van Vlaenderijc toegheschickt aen den Bisschop van Utrecht / S. Omer/ende andere Dorpen van den lande van Artops en Vlaenderen aen de Bisschoppē van Amiens ende Boloingne/ daer wt dickwils groote confusie ende desordne ghecomen is. Ende naer voorgaende consente ende toelatinghe van onsen heylighen vader den Paus van Romen/zijn tot dien eynde ghecommitteert Commissarissen van d'een ende d'andere zijde / de welcke vergaderen sullen binnen een Jaer ter plaetse daer henlupden gheordonneert sal werden / om te resolueren vande veranderinghe die ghedaen mach zijn vande voorsz Dorpen/tot commoditeyt van t'eenē ende d'andere.

¶ F F.

Alle ghevanghenen inder Oorloghe/als noch ghevangen zijnde/van d'eenē ende d'ander zijde/ sullen byp ende quyt gelaten worden/ mits betalende de costen/ende t'gunt sy aen pemant anders rechtelijck schuldich zijn/sonder gehouden te wesen eenich ranchoen te betalen: ten ware splupden daer van waren geacordeert voorsz date deser. Ende indien pemant clachtich ware van overdaet/daer van sal werden gheordonneert byden Prince in den lande daer de selve gevanghenen zijn.

¶ F F.

Ende alle andere ghevanghenen ondersaten vande voorsz Heeren Coningen die om der benautheyt vander Oorloghe ghevanghen sitten op de Galee van heere Majesteiten/ sullen terstont ontslagghen ende byp ghelaten worden/sonder eenich vertreck / onder wat pretext oft oorsake t'selve souden moghen zijn/sonder de selve eenich rantsoen oft verteerde costen te moghen eyschen.

¶ F F F.

Ende sijn gereferveert aenden Catholijcken Coninck van Spangnien ende aende voorsz Heeren Hoochgeboorne sijne outste dochter ende heere successors ofte actie van hen hebbende / allen t'rechte / actie ende pzetensie dien sy verstaen heurlupden toe te behooren van t'voorsz Coninckrijcke/ Landen/Heerlijckheden / ofte andersints om wat saecken het sijn mochten. Vande welcke sy nochte sijne Predecessors expresselijck niet en hebben gemoniceert/om daer aff eenich vervolch te doen by wegghen van Wyntschap ofte justitie / ende niet met wapenen.

¶ F F F F.

Ende op t'gunt gheremonstreert is by de voorsz Heeren gedeputeerden vanden voorsz Heere Catholijcken Coninck onnime te gheraecten tot eenen goeden paps/dat sijne Majesteit begherende ende versoekende is/dat den seer excellenten Prince / mijn Heer den Hertoch van Savopen begrepen soude sijn int voorsz



int voorszreven tractact. Begheerende den voorszreven Heere Catholijcken Coninc het welvaren ende conservatie vanden voorszreven Heere Hertogh als syn eyghen/ om de na-maechschap van bloede ende alliantie die sy metten anderen houden. Twelc oock verclaert Messire Gaspar de Geneve/ Marquis van Lullin/ Raedt van state/ Camerling ende Colonnell vāde garde vande voorsz Heere Hertogh/ des voorszreven Heere Hertoghs Luptenant ende gouverneur vant Hertoghdom van Rouste ende vande stadt d' Zurce/ synen gecommitteerden ende ghedeputeerden/ ghelijck blyckt by syne macht ende procuratien hier onder gheinsereert/ dat den selfden Heere Hertogh synen Meester ter eeren/ vante zyn ghesproten vanden Broeder vanden Over-groot-vader van den Heere Alderchrijstelijcksten Coninck/ ende van de eyghen nichte vande Coninghinne syne moeder/ syne meninghe is contentement te gheven den voorsz Heere Coninck/ ende als van syn onderdanige maechschap die te erkennen van alle eere/ dienste ende ghebruyck van vzienschap/ hem mogelick zijnde/ om hem in toecomende tijden meerder contentement van danbaerheyt te doen/ dan hy voorgaende heeft ghemoeghen/ overmits de ghelegentheyt des tijts. Belobende den voorsz Heere Coninc/ erkennende by desen syne goede affectie/ dat hy wederom ghebruycken sal ghelijcke gortheyt ende verclaringhe van vzienschap/ als de vier laetste Coninghen ghebruyckt hebben teghens seer Hoorchloflijcker memorie mijn Heere den Hertogh synen Vader.

¶ ¶ ¶ ¶.

Is besloten ende ghearresteert dat den voorsz Heere Hertogh sal ontfangen ende begrepen zyn in dit Tractaet van Pays. Ende om te betoonen de begeerte/ die den voorsz Heere Hertoghe heeft/ om den voorsz Alderchrijstelijcksten Coninck contentement te gheven/ sal hem wederom restitueren ende leveren de Stadt ende t' Casteel van Berre/ binnen den tijt van twee maenden/ te rekenen vanden dach ende date van desen teghenwoordigen/ ter goeder trouwen/ sonder eenich wtstel ofte difficulteyt/ onder wat pretext het soude mogē wesen/ ende sal de selve plaetse weder ghestelt ende gerestitueert worden by den voorsz Heere Hertogh aen syne Majesteit/ oft den ghenen van synen t' wegen hier toe geordineert/ binnen den voorsz tijt prijs/ en alsulcken state alst tegenwoordelijck sal bevonden werden/ sonder yet af te breeken oft te beschadigen in eenigher maniere/ ende sonder te pretenderen of te eyschen eenighe betalinge oft restitutie vande fortificatien aende voorsz Stadt oft Casteel gemaect. Nochte oock t' gunt hy schuldich mach zyn aende Soldaten ende Oorlogsvolc daer op zijnde. Daer op latende alle t' geschut daer op wesende/ ender t' gunt daer op was ten tijde vant innemen van t' selfde/ metten Cogels diemen bevinden sal daer toe te zyn/ ende die na de inneminghe daer by ghedaen moghen zyn.

¶ ¶ ¶ ¶.

Mede is gheacordeert ende overcomen dat de voorsz Hertoghe gheheelijck ende al wt synen dienste verlaten ende abandonnerē sal ter goeder trouwen den Capiteyn la Fortune/ wesende inde Stade van Suerre/ int Lant van Bourgoengnen/ sonder hem noch andere die t' onrechte de voorsz Stadt tegen de wille vanden Alderchrijstelijcksten Coninck hebben beseten/ te doen eenighe hulpe/ saveer ofte bystant in gheender manieren.

Ende



Ende van alle andere differenten die tusschen den voorsz Heere alderchrijste-  
licksten Coninck ende den voorsz Heere Hertoghe van Savopen zijn moghen  
hebben de voorsz ghedeputeerden wt den name als boven gheconsenteert ende  
gheacordeert tot voortganch vande vrede / dat de selve ghestelt sullen werden  
aen onsen hepligen vader den Paus Clement den viij. om de selve te ondersoec-  
ken ende daer van by sijn heplicheyt te disponeren binnen een Jaer na date de-  
ser / volgende t'antwoort vande voorsz Heere Coninck by gheschijfte gegeven /  
den vierden dach van Junius hier na gheinsereert. Ende alle t'gunt by sijne  
heplicheyt sal werden gheordineert gheheelich ende al ter goeder trouwen / te  
volcomen ende onderhouden sonder eenighe wtstel ofte difficulteyp / onder wat  
pretext het soude moghen zijn. Blijvende alle saken in alsulcken state als die te-  
ghenwoordich zijn / sonder yet daer in te vernieuwen oft veranderen / ter tijt en  
wijlen toe by onsen heplighen vader daer inne sal zijn ghedisponeert. Sonder  
dat oock gheoorloft is eenighe Schattingen / contributie oft anders te stellen  
bupten de Landen die ghehouden worden voorsz d'eene ende d'andere partije.

¶¶¶.

Ende volgede desen is overcomen ende geacordeert dat van nu voortan sal  
zijn een vasten paps / ghestadighe vrientschap ende goede nabuyschap tusschen  
den bovenghenoemden Heere Coninghen ende Hertoghe / heuren kinderen / pre-  
sent ende toecomende / haren Erfsnamen ende oiren / haren Rijcken / Landen  
ende Onderfaten / sonder dat sy eenighe aenflaghen d'een teghen d'ander sullen  
moghen maken op hare landen oft onderfaten / om wat sake / of onder wat pre-  
text dat het zy.

¶¶¶.

De Onderfaten ende dienaers van d'eene ende d'ander zijde / so geestelick als  
waerlick / niet teghenstaende dat sy de contrarie partije ghedient hebben / sullen  
volcomelick int ghebruyck van alle hare goederen wederkeeren / alles ghelijck  
hier vozen vande Onderfaten ende dienaers van beyde Coninghen is gheseyt /  
sonder dat het selfde verstaen sal moghen worden van de Gouvernementen.

¶¶¶.

So vele aengaet de ghebanghen Chrijschlieden sal ghebruyckt worden / ghe-  
lijck tusschen beyde de Coninghen overcomen is / also boven verhaelt is.

¶¶.

Ende zijn in alle hare poincten ende articulen bebesticht de Accorzen  
voorz desen ghemaect met wijlen den Alder-Chrijstelijcksten Coninck Hen-  
rick de tweede / in't Jaer M.D. Lviij. tot Cambresi / Carel de neghende ende  
Henrick de derde / ende den voornoemden wijlen Heere Hertoghe van Savo-  
pen / wt-besondert t'ghene by desen accorde oft ander is te niet ghedaen. Ende

Wij

vol.



volghens desen sal den voorszeden Hertoge van Savoyen met sijne Landen/  
Steden ende Onderfaten blijven een goet neutrael Prince/ ende gemeen vrient  
aan beyde de voorsz Coningen/ ende vanden dach af nae de publicatie van de-  
en tegenwoordigen Accoord sal de coopmanschap tusschen heure Landen en  
onderfaten vry ende in aller verskertheit worden ghedaen/ volghende tselve  
Accoord/ ende ghelijck voorsz desen is ghebruykt geweest. Ende sullen de poin-  
ten daer in begrepen onderhouden worden/ selfs in eegard van de Officiers/  
die de voorsz Heeren Coninghen ghedient hebben/ so het by ander Accoord niet  
en is te niet ghedaen geweest.

¶¶¶.

Behout altoos den alderchristelijcksten Coninck van Brancryck aen hem  
ende sijne Successeurs alle haer recht ende actie/ die sy verstaen hun toe te co-  
men/ ter cause vande selve Rijcken/ Landen ende heerlijckheiden/ ofte anders  
om wat sake dat het sy/ vāde welcke door hem oft synen voorszaten niet expre-  
selycken is gherenonceert/ te doen vervolgen door vziutliche middelen of Au-  
strie/ ende niet door de wapenen.

¶¶¶.

In desen Pays ende vzienschap sullen zyn begrepen by ghemeeen accoord en  
consent vande selve Heeren Catholijcke ende alder-christelijckste Coninghen/  
soo sy daer in willen begrepen zyn. In den eersten van zijde des Catholijcken  
Conincks/ onsen Heplighen Vader den Paus/ den Heplighen Apostolischen  
Stoel/ den Roomschen Keyser/ mijne Heeren de Ertz hertoghen sijne  
Broeders ende Cousijns/ heure Rijcken ende Landen. De Keur-  
Vorsten/ Princen/ Steden ende Staten des Heplighen Rijcks onder haer  
ghehoorzaamheyt staende/ den Hertoch van Beperen/ den Hertoch van  
Clebe/ het Bisdom ende Landt van Lupck/ de Zee-steden ende de Graef-  
schappen van Oost-Vrielandt: Ende sullen de selve Princen afftaen van  
alle practiken/ belovende na desen gheene/ in Christen-rijck ofte daer buuten/  
oft waert soude moghen wesen voorsz tenemen/ t'welck soude strecken tot  
na-deel vande Keyserlijcke Majesteit/ Leven ende Staten des Heplighen  
Rijcks/ maer dat sy sullen besorghen soo veel in hen is de welbaert ende  
ruste des selfs. Aenghesien de selve Keyserlijcke Majesteit ende sijne Staten  
haer ter weder-zijden verdraghen in vziendelijckheyt mette voorsz Heeren  
Catholijcke ende alder-Christelijckste Coninghen ende niet en sullen doen tot  
nae-deel vande selve. Ende van ghelijcken sullen daer inne zyn begrepen  
Mijne Heeren de Gheconfedereerde der groote Steden van Hoochduyflant/  
ende de Ligue Grises ende hare Gheallieerde/ de Coninghen van Polen ende  
Sweedden/ de Coninck van Schorlandt/ de Coninck van Den-marchen/ den  
Hertoch ende Seigneurie van Venegien/ den Hertoch van Lozeynen/ den  
grooten Hertoghe van Toscane/ de Republycque van Genes ende van Luc-  
ques/ den Hertoch van Parma ende van Blaefsañce/ den Cardinael Farnese  
sijn Broeder/ den Hertoch van Mantoue/ den Hertoch van Turbin/ de Over-  
sien vanden Hupse van Colōna ende Ursine/ den Hertoch van Salmonette/  
den.



en/ ent de- en ve re- s/ tet  
ben Heere van Monaco/ den Marquys van Final/ den Marquys van Mas-  
sa/ den Heer van Plombin/ den Grave van Sala/ den Grave van Calozino/  
om te ghebruycken ende ghenieten desen teghenwoordighen paeps met ex-  
presse verclaringhe dat den voorsz Heere Alder-Christelijcksten Coninck niet  
en mach directelick of indirectelick arbeypden deur hem of deur andere tot  
heerliedder prejuditie/ sulcks indien den alder-Christelijcksten Coninck yet pre-  
tendeert teghens hemluyden/ sal tselve moghen vervolghen voorsz de competen-  
te Rechters, ende niet met forste in hoedanighe maniere dat het zy.

¶ ¶ ¶ ¶ ¶

Ende van weghen den voorszeden Alder-Christelijcksten Coninck sullen  
begrepen wesen in dit teghenwoordighe Tractaet / indien sy daer onder be-  
grepen sullen willen zyn / Onsen Heilighen Vader den Paus / den Heylighen  
Apostolischen Stoel/ den Keyser/ de ghecozen Prinsen/ Steden/ Ghemeenten  
ende Staten van den Heere Keyser / ende specialijck mijn Heeren den Paltz-  
Grave/ den Marquys van Brandenburg / den Hertoch van Wirttemberch/  
den Landt-Grave van Hessen / den Marquys van Hamsbach / de Graven  
van Oost-Vriesslant / de Zee-steden naer de oude verbondtenisse / den  
Koninck ende Koninckrijcke van Schotlandt / naer de oude Tractaten/  
alliancien ende confederatien die ghemaecht zyn tusschen den Koninck-  
rijcken van Franchrijck ende van Schotlandt / de Koninghen van Polen/  
Denemarchen ende Sweden / den Hertoch ende Seigneurie van Venegien/  
de Verthien Hoofst-Steden van't Verbondt vande Switsers / de Vrye  
Ligues Grises / den Bisschop ende Heere van't Landt van Valape / den  
Abt ende Stadt van Sine Gal / Cloutemberghe / Milhausen / den Grave  
van Neuschastel ende andere Vereenichden ende Gheconfedereerden vande  
voorszreven Ligue/ Mijn Heere den Hertoch van Lozeppen/ Mijn Heere den  
grootten Hertoghe van van Toscane/ Mijn Heere den Hertoge van Mantoue/  
de Republijcke van Lucques/ de Bisschop ende Capittels van Mets/ Tihoul  
ende Verdin/ den Abt van Gozze/ den S. S. van Zedan/ den Grave van l'Ad-  
mirande. Welverstaende nochtans dat het consent twelcke den Catholicken  
Coninck ghevende es int begripen vande Graven van Oost-Vriesslant sy son-  
der nadeel vant recht dat sijne Catholijcke Majesteit heeft aen hemluyder lan-  
den. Ghelijck oock mede ghereferveert blijft de defencie/rechten/ende executien  
vande voorsz Graven/ dit alles met verclaringhe dat den voorsz Catholicken  
Coninck niet en vermach directelick of indirectelick arbeypden deur hem ofte  
deur andere/ tot heerliedder prejuditie/ maer indien den voorsznoemden Heere Ca-  
tholicken Coninck yet pretendeert teghen heerlieden/ sal tselve alleenlichen ver-  
volghen voorsz den Competenten Richter / ende niet met forze in eenigher ma-  
nieren hoe't zy.

¶ ¶ ¶ ¶ ¶

Oock mede sullen begrepen zyn in dit teghenwoordighe Tractaet die met  
ghemeenen consente vanden voorsz Heeren Coninghen moghen werden ghe-  
cozen/ behoudelicken dat ses Maenden naer de publicatie van desen Tractate  
sy gheven sullen haer Brieven van verclaringhen ende Obligatien als in sulcx  
volgenderlick verresche.

Ende



Ende tot meerder verskerhepdt vanden paps ende van allen de poincten ende articulen daer inne begrepen / sal desen Tractate werden bevestighet / ghepubliceert ende gheregistreert int Hoff vanden Parlemeute van Parijs / ende in allen anderen Parlemenenten vanden Coninckrijcke van Franchryck / ende Reken-camere van Parijs voorsz / ghelijck als oock bevesticht / ghepubliceert ende gheregistreert sal werden inden grooten Raedt ende andere Raeden / ende Camere vande Rekeninghe vande voorszede Heere Catholijcken Coninck in sijne Nederlanden / al naer forme ende inhouden vanden Tractate vanden Jare 1559. De welcke men sal doen expedieren aen d'een ende d'ander zijde binnen dyse Maenden naer de publicatie van dit teghenwoordige Tractaet.

¶¶¶¶

In alle welcke poincten ende articulen boven ghenomineert / begrepen es allen den inhouden vanden Tractate gheaccoordeert / ghepasseert ende ghestipuleert tusschen de voorsz Gedeputeerden wten Naem als boven / de welcke wt crachte van heurlieder macht / belooft hebben ende beloven midts desen / onder verbintenisse van allen ende peghelicken van henlieder voornoemde Meesters goederen teghenwoordich ende toecomende / dat splupden t'voorszede Tractaet onverbzekelicken sullen volcomen ende t'selve haer doen approuberen / ende daer van gheuen ende leveren d'een den anderen autentijcke Brieven / gheteykent ende beseghelt / daer inne dit teghenwoordige Tractaet gheinsereert sal zijn van woordde tot woordde / ende dit binnen een Maendt naer den dach ende datum van desen teghenwoordighen / ten regarde vande voorsz Heeren alder-Christelicksten Coninck / Cardinal Aertshertoge ende Hertoch van Sabopen / de welcke Heere Certshertoghe belooft heeft te surneren binnen den tijdt van dyse Maenden ghelijcke Brieven van ratificatie / vanden voorsz Heere Catholijcken Coninck. Ende hebben daer en boven belooft ende beloven de voorsz Gedeputeerden wten Naem voorsz / dat de selve Brieven van ratificatie vande voornoemde Heeren Alder-Christelicksten Coninck / Cardinael Aertshertoge ende Hertoch van Sabopen zijnde ghesurneert / de selfde Heeren Alder-Christelicksten Coninck solemnelicken sweeren sal opt Cruys / H. Evangelie / Canon vande Misse / ende op heurlieder ere / in presentie vande gene dien't heurlieden belieben sal daer toe te committeren / te observeren ende volcomen / ende achtervolghen ter goeder trouwen den inhouden vande voorsz articulen / Ende gheleijcken eedt sal werden ghedaen byden Heere Catholijcken Coninck binnen dyse Maenden daer naer ofte wanneer hy daer toe versocht zijn sal. In kennisse der voorsz saecken hebben de voorsz Gedeputeerden dit teghenwoordige Tractaet gheteykent met heure Namen / inde plaetse van Wrebin den tweden dach Mey / Anno 1558.



De Articulen banden Paps besluten opt Casteel van Caul-  
bryes / Anno 1559. tusschen den seer hooghen ende mach-  
tigghen Coninghen Philippus door de gracie Gods Catholijck  
Coninck van Spangien / etc. Ende wijlen Henrich de tweede  
van dier namen Alderchristelijcke Coninck van Franchrijck.

De confirmatie vanden Accoorde gedaen ende besluten  
tot Rijssel ende Cercamp.

**E**rstelick zullen de voorsz. V. Coninghen van waerde / vast ende  
onverbrekelicken onderhouden de voorsz. tractaten / ende mal-  
canderen in alghemeynen Raedt assisteren.

1 Ende belangende de restitutie / de eerste Coninck die steden / Sloten / oft Wijk-  
heden ontfanghen sal / die sal den anderen stellen vier Gijelaers / tot dat de resti-  
tutie ghedaen sal zijn van den anderen contersteden.

2 Philips Coninck van Spangien sal ten houwelic hebben de outste dochter  
vanden Coninc van Franchrijck / ende sal daer met hebben ten houwelic vier hon-  
dert duysent croonen.

3 Emanuel Hertoghe van Sabopen sal trouwen Vrouw Margriete de suster  
vanden Coninck van Franchrijck / ende sal met haer hebben drie hondert duysent  
croonen / de Coninck sal zijn broeder weder gheven het Hertoochdom van Ber-  
rp zijn leven lanck.

4 Alle de plaetsen / Steden / Wijkheden die de Coninc houdende is / sullen geresit-  
tueert worden aenden selven Hertoghe / behalven dat de Coninc van Franchrijck  
sal houden 5. jaren lanc vijf steden int lant van Piemont / te weten Tuerijn / An-  
gueri / Chinaz / Quiers / ende de nieuwe stadt Daste metten stercheden en jurisdic-  
tien vanden selven / binnen welken tijt die Coninck sal affghaen alle zijn rechten  
vanden selven steden.

5 Desgelijck sal de Coninc van Spangien behouden twee plaetsen en steden in  
Piemont / te weten : Verselle en Nite / die welke hy restitueeren sal met allen ju-  
risdictien en rechten als de Coninck van Franchrijck zijne over leveren sal.

6 De Coninc van Spaengien sal den Coninck van Franchrijck weder gheben  
S. Quintijn / Van / Chatelet in alsulcker boegen en maniere als sy zijn / wigeno-  
men tgeschut ende victalie / daer teghen sal den Coninck van Franchrijck weder  
gheben Bidenhoven of Theonville / Mommedp / Mays ende Martenboorch met  
de selve conditien als boegen.

7 Hy sal ooc weder geben den Bisschop van Luyck Billon met alle tgene dat  
hy mach vanden voorsz. Heer onder hem hebben oft houwen.

8 Mengaende de Stadt van Pvois / die sal den Coninc van Franchrijck de muer-  
ren ende sterckten doen afwoyen en te niet doen / in recompense van Terwaen / en-  
de men en sal daer geen stercken meer timmeren.

9 Terwaen is den Coninc van Franchrijck weder ghegeben in alder manieren  
en bygheden alst te bozen was geweest / behalven daermen geen stercke daer maken  
en sal op die eerde.

Het



10 De Martgraefschap van Montferat sal keeren totten hertoge van Mantua/en de plaetsen sullen tot hem weder gekeert worden van beyde der Coningen wegen/behalven dat sy tgeschut ende victalie verhoeren sullen/en ist dat hen lieder goet duncke/so sullen sy die stercken af worpen die sy hebben doen maken.

11 De Charlopfen geven hen lieden weder onder den Coninc van Spaengien.

12 De Bailluage van Besogn met alle rechten ende vypheden/die comen weder onder den Coninc van Syangien/sonder den Coninc van Franckrijc eenige jurisdictie daer aen te hebben: met alle fortreffsen en sterckten der selver.

13 De Grabe van s. Pol sal behouden by mijn vrouwe van Theonville/voorz. Graefschap van s. Pol/behalven de rechten vande twee Coningen/niet tegenstaende dat Coninck Philips die heerlichheyt daer af sal hebben.

14 De Fransopsen sullen Calis behouden den tijdt van acht Jaren/daer naer sullen sy't de Enghelschen weder gheven. Ende voor Ostagie vane selve sal den voorz. Coninck van Franckrijck de welandische borze stellen voor een Milioen gouts / ende beneffens dien senden een Heer in Enghelant / sulcken d' Enghelsche verkiefen sullen/die aldaer blijven sal ter tijt ende na dat de restitutie vande voorz. Stadt van Calis sal zijn ghedaen/ ende quijterende den Coninck van Franckrijck van allen gherechticheyden die hy pretenderen soude moghen.





an-  
gen  
der

en.  
der  
cif.

02.  
en

ar  
nen  
nen  
he  
sz  
h.